



Inatsisartunut ilaasortaq
Astrid Fleischer Rex
Demokraatit

§ 36, imm. 1-imut tunngatillgu apeqqut: Ilinniartut qitornartaarnerminnut atatillugu sulinggifteqarnerminni aningaasarsiaqaannarsinnaaner at pillugu Naalakkersuisut qanoq pilersaaruteqarp at?

30.06.2008
J.nr.01/20 2008

Inatsisartut suleriaasianni § 36 imm. 1 naapertorlugu Inatsisartunut ilaasortaq Astrid Fleischer Rex allakkatigut 20. juni 2008-imeersutigut imatut apeqquteqarpoq:

Postboks 260
3900 Nuuk
Oq/tel +299 34 50 00
Fax +299 32 45 47
ilapi@gh.gl
www.nanoq.gl/ilapi

Ilinniartut qitornartaarnerminnut atatillugu sulinggifteqarnerminni aningaasarsiaqaannarsinnaaner at pillugu Naalakkersuisut qanoq pilersaaruteqarp at?

Ilinniagaqartut Nunatsinni najugaqartut eqqarsaatigalugit naartunermi, erninermi meeravissartaarnermilu sulinggifteqartarneq il.il. ullormusiaqartarnerlu pillugit inatsisartut peqqussutaat nr. 12, 31. oktober 1996-imeersumi kingusinnerusukkut allangortinneqartumi sulinggifteqarneq pillugu malittarisassat atuupput. § 9, imm. 1 naapertorlugu angajoqqaat allat assigalugit ilinniagaqartut sulinggifteqarnissaminnut periarfissaqarput.

Ilinniagaqartut ilinniarnerminniit, ilinniagaqarnersiuteqarfigisaminni, suliffimmi sungiusarnermut atatillugu tapisiaqarfigisaminni imaluunniit akissarsiaqarfigisaminnit sulinggifteqarallartut, sulinggifteqarnerlu pillugu inatsit malillugu tamatumunnga pisinnaatitaaffeqartut ilinniagaqarnersiuteqarnersiutinut, suliffimmi sungiusarnermut atatillugu tapisianut imaluunniit akissarsianut naapertuuttunik ullormusiaqarnissamut pisinnaatitaaffeqarput, meeqqanut tapit ilanngullugit, tassunga ilanngullugu naartunermi, erninermi meeravissartaarnermilu sulinggifteqartarneq il.il. ullormusiaqartarnerlu pillugit inatsisartut peqqussutaanni § 21, imm. 3 meeqqanut inoorlaamut meeqqanut tapisiat naapertorlugu.

Ilinniagaqartut Nunatta avataani ilinniagaqartunut sulinggifteqarnermut atatillugu marlunnik periarfissaqarpoq, apeqqutaalluni ilinniarfimmi ingerlaqqiffiusumi pinngitsoorani takkuttussaaffiunngitsumi imaluunniit ilinniarfimmi pinngitsoorani takkuttussaaffiusumi ilinniagaqarnersut.

Ilinniagaqartunut ilinniarfimmi ingerlaqqiffiusumi pinngitsoorani takkuttussaaffiunngitsumi ilinniagaqartunut naartunermut meerartaarnermullu atatillugu sulinggifteqarnermi ilinniagaqarnersiutit kipitinneqarneq ajorput,

anaanaasullu ileqquusumik klippekortimi killugassanik nungussimappagit, aamma "uisaasaarnermi killugassat" 12 nungussimappagit ilinniagaqarnerup nalaani meeqqamut ataatsimut inunngortumut killuinerit 12-it pissarsiarisinnaavai. Ataataasut meeqqamut ataatsimut "meerartaarnermut atatillugu killuinerit" arfinillit pissarsiarisinnaavaat.

Ilinniagaqartunut ilinniarfimmi ingerlaqqiffiusumi pinngitsoorani takkuttussaaffiusuni meerartaarnerup nalaani ilinniagaqarneq unitsinneqartariaqassaaq. Ilinniagaqarunnaaraanni Danmarkimi isumaginnittoqarfiit aqqutigalugit aningaasanik pisartagaqarsinnaapput tassunga ilanngullugit naartunermut atatillugu ullormusiat.

Ilinniagaqartut naartunermut atatillugu aamma angajoqqaat sulinngiffeqarnerisa nalaanni ullormusiaqarsinnaannginnerat taamaalilluni eqqunngilaq. Naalakkersuisut taamaalillutik isumaqarput ilinniagaqartut malittarisassatigut atuuttutigut eqqarsaatigineqarsimasut.

Inussiarnersumik inuulluaqqusillunga

Arkalo Abelsen